



ᐃᑦᑕᑦᑕᑦᑕ ᐅᑦᑕᑦᑕᑦᑕ
ᐅᑦᑕᑦᑕᑦᑕ

NUTAQQANUT INULRAMIRNULLU
UGAQTIKHAANIK

REPRÉSENTANT DE
L'ENFANCE ET DE LA JEUNESSE

REPRESENTATIVE FOR
CHILDREN AND YOUTH

Titiqivikkut Quiquta 488, Iqaluit, Nunavut, X0A 0H0 | 867-975-5090 (1-855-449-8118) | contact@rcynu.ca | www.rcynu.ca

Qiqailruq 19, 2020

Tamna Nanngarnaqtuq Joe Savikataaq, Hivuliqtia Nunavut apqutigiplugu John Quirke, Titiraqti Maligaliuqtinut Titiraqavua 1200, 926 Federal Road Iqaluit, NU, Kanata X0A 0H0

Halu Hivuliqti,

Pipkaiyumayunga ikayuqtuinimnik piplugu qangahaq ihumaliurut aullagiakha umikni ilihavvit ulapqivitlu, pinahuaqhugu ihuaqhigiqnia hiamagahuquqnia Qalagjuarniq-19. Tahapkuat atuqtauni piyalgit mikhigiqninut hiamalaqni nutaqanut, inulrammiit, nunaliuyunutlu humiliqak nunatagauyumi.

Pititlugu nautiqtuqni piyauyut aaniaqtailiniq inuuhirikniqlu tamaitnut inungnut ihumagiplugit, atuqpiatuq illiturini tamaita ihumaliurutit piplugit hiamakni hapumminilu piyaunit, [ilaqtut tamatkiknut nakuuni ihuitnilu aktuanit nunatagauyup qanurililaqni nutaqat, inulrammiit, ilagitlu.

Pinahuaquyatka Kavamatkut Nunavut atuinaqni hivulliutyaqni nakuuniqpat piyumani nutqat inulrammitlu piplugit aturahuaqnit atuqpaliani mikhigiqninut hiamaknia Qalagjuarniq-19. Ilitturiyara piplugu sakhurutauhaqni ihumaliurutit piyalgitlu tukhiqtunga ihumagitquplugu pityutit ataani ihumaliuqpalliqtitlutit.

Maniktat naamaktitni: Tamna atullaknia tammainiq maniktat, piplugit qanuritni nanminilgit umikni, aktualaqtut maniktat naamakni ilagit. Una pilaq piyaqaqtitnia atungitni akiliqtutit piqatai atuqtitni piyalgit atqupakni tapkuatut niqittiat niqit, aaniaqtailiniq, iglukhat, hivuranaitnitlu.

Igluliqiniq: Amigaqnia hanalrutit puqtunilu aktilat inugiakpallaqni akhuqnarutauyut naamaktumik inungnuktailini inungnut hatqiqviunit aaniarutmun.

Nutqap pilaruta hapummiyauniq: Tamna umitlakni ilihavvit ulapqivitlu havagutai, nutqaqtitnialu ulapqivit huliniit pilaqtihimayai ilagiarutaulaani qanurilitnahuuqni inulrammiit inungnut akhuqyumipkaqnilu ilagiqni qaphiuni inulrammiit inungnut kamagiyaungittut. Ilagiplugulu, tapkuat ilagiqni akhurnaaniq inungnuktailiniqlu amihuni ilagit ikpigiyauuni atqutitlugu uma pivigiya naunarniq, pilaqnilik qanuritninut ilagiqni timimun, ihumamun, ikpigiyauqutlu hugingitni pittiangitnilu ilagini ilauyut.

Nutaqap pilaqni niqitqiktut niqinik: Nutaqat inulrammiitlu humiliqak nunatagauyumi akhut naahuriyai ublurumitarniq ublakkutarniqlu havagutai pipkaqni ilihavvikni. Ahiigut ihuaqhautit nalvauyalgit piyakhai atuqpiatitni pilaqni niqitqiktut niqit pilaqni nunatagauyup qanurililaqniqhait inulrammiit inungnut. Piyaaqpiyaqmiyuq tapkuat nuktiraqni niqit nunaliuyunut tamaitni nunaliuyut ulapihaqtailini.

Utaqap pilaqni naamaktumik aaniaqtailiniq munaqtauni: Atuqpiaqtitni hivuranaitniq pilaqnit tamaita munaqhityutit kivgaqtutit, ilautitlugit ihumaliqutit aaniaqtailiniq kivgaqtutit, atuqtitlugu uuminga pivigiya aturiaqaqpiqnia nutqat, Inulrammiit, ilagiyailu. Ilagiplugit, nautiumani atuqpiaqtitni hivuranaitni kivgaqtutit piqaqtitiyit hivulliutyaaqtakhattauq.

Nutaqap pilaqni iliharniq: Inulrammiq inuup iliharniq pitagaukaphungittuq ilihaqvikminnaq, kihimiktauq tunittaqni ayuitnit ilaginit nunaliuyumitlu ilauyunit. Atullakni ilihaqvit umiknit pingurutauyut pilaqniqnut ikayurutit atuqatigikni ilihautinilu inuuhiqmun ayuitnit atuqpiaqtut tapkuat kavamatkut huli ikayuqtuqtai tahapkuat piyauni piqaqtitnilu tuhagakhat qanuq atuqpaliani tahapkuat pilaqnit hivuranaitni. Pinahuaqtitmiyavut tapkuat kavamatkut atuqpiaqtitni ilihaqvikmi havaktit atuinaqni piqaqtitni piqaqnit ilihaqtunut atuinaqni tapkuat ilihautit puqtuhivallianit hilataani ilihaqviup.

Nutaqap pilaqni tuhagakhat: Aturahuaquyavut tapkuat Kavamatkut Nunavut atuinaqni piqaqtitni nutanguqtauni atuqhugit atuttiaqtut pivikhait. Pilaqnit piyarakityut, nalaumayut tuhagakhat ikayulat mikhigiaqni hiamaknia Qalagjuarniq-19 kitutluliqak iqhigini ihumallautailu pipkalaqni pivigiyainut naunaqnit. Tahapkuat nutanguqnit piqarutauyukhat tuhagakhat qanuqtut hivuranailrumitniq, pityuhitlu ikayuqni nutaqat, inulrammiit, ilagit, nunaliuyutlu atuqtitlugu atullakni havagutit umiktauni mikhigiaqnilu kavamatkut kivgaqtutit.

Quanaqutin ihumattiaravin tahapkuninga piyauninut ihumaalutit. Hivuliqnit piyarakitumiklu hugiarniq huli ikayuqtuqhugu nakuuniq pamik piyumani nutaqat inulrammiitlu humiliqak nunatagauyumi quyagiyauyuq.

Pittiarnikkut,



Jane Bates
Nutaqqanut Inulramirnullu Uqaqtikhaanik